

COVID-19 i zaštita zdravlja i sigurnosti na rada – Građevinska industrija

Prema modelu Zakona o zaštiti zdravlja na radu, poslodavci su dužni brinuti se o zdravlju i sigurnosti radnika i drugih na radnom mjestu. Kao poslodavac, vaša je obaveza utvrditi gdje postoje rizici na radnom mjestu i, ako moguće, ukloniti ili umanjiti te rizike.

Morate se savjetovati s radnicima o pitanjima zdravlja i sigurnosti u vezi sa COVID-19. Omogućite radnicima da izraze mišljenje prije nego što donesete odluke.

Fizičko distanciranje

Morate uraditi sve što možete da radnici budu udaljeni jedni od drugih najmanje 1.5 metara, na primjer

- ograničiti fizičke interakcije - komunicirajte drugim metodama poput telefona ili radija
- ograničiti broj radnika na gradilištu
- podijeliti smjene na dopodnevne i popodneve
- smanjiti broj zadataka koji se moraju obaviti svakog dana
- omogućiti rad od kuće, ako je to moguće
- napraviti staze po gradilištu da se održava fizička odvojenost
- smanjiti broj radnika na nekom području u isto vrijeme, uključujući i vrijeme obroka i odmora te razmaknuti namještaj u pauzama
- održavati sastanke preko interneta ako je to moguće, a ako nije, održavati ih na otvorenom prostoru i pobrinuti se da radnici budu udaljeni jedni od drugih najmanje 1.5 metar
- odgoditi obuku koja nije neophodna
- postaviti znakove o fizičkom distanciranju oko gradilišta

Morate rješavati sve rizike po zdravlje i sigurnost (npr. uticaj na komunikaciju) zbog fizičkog distanciranja.

Zdravstveni pregledi i karantin

Pratite simptome COVID-19 kod radnika, kao što je temperatura.

Recite svim radnicima, bez obzira da li su na radnom mjestu ili ne, da vam kažu ako:

- imaju bilo kakve simptome
- bili su u kontaktu s osobom koja može imati COVID-19 (čak i ako osoba za koju se sumnja da ima COVID-19 još nije testirana)
- vidjeli su da neki radnik pokazuje simptome

Zaustavite rad radnika ako pokazuju simptome.

Čišćenje

Često čistite deterdžentom ili sredstvom za dezinfekciju:

- površine koje se često dodiruju – opremu, liftove, dizala, rukohvate i vrata

- osobne stvari kao što su naočale i telefoni
- predmete za rad kao što je alat
- sadržaje za lične potrebe na gradilištu

Naučite radnike da čiste opremu odmah nakon upotrebe.

Svako ko čisti mora:

- nositi rukavice
- koristiti sredstvo za čišćenje ruku na bazi alkohola prije i nakon nošenja rukavica

Postavite kante s poklopcem u koje radnici mogu bacati otpad i smeće poput upotrebljenih papirnih maramica.

Higijena

Od radnika se mora zahtijevati dobro održavanje higijene:

- pokriti usta laktom ili papirnom maramicom kod kašljanja i kihanja
- pravilno odstranjivati papirne maramice
- često prati ruke sapunom i vodom najmanje 20 sekundi i potpuno ih osušiti, uključujući prije i nakon jela i nakon odlaska u WC
- upotrebljavati sredstva za dezinfekciju ruku na bazi alkohola
- svakodnevno temeljito prati tijelo, kosu (uključujući i dlak na licu) i odjeću
- održavati razmak od najmanje 1.5 metar od drugih
- ostati kod kuće ako su bolesni
- izbjegavati dodirivati lice
- izbjegavati rukovanje i druge bliske fizičke kontakte
- suzdržavati se od pljuvanja
- stavljati opuške od cigareta u kantu za smeće

Prostorija za pranje mora biti čista i imati sapun, vodu i toaletni papir. Sredstvo za dezinfekciju ruku na bazi alkohola mora biti postavljeno za radnike.

Isporuke i drugi izvođači koji dolaze na gradilište

Ako su odlasci na radno mjesto neophodni:

- dajte jasna uputstva i navedite šta zahtijevate od njih dok se nalaze na gradilištu
- smanjite na minimum broj radnika koji je u to uključen
- imajte sredstvo za dezinfekciju ruku na bazi alkohola za upotrebu nakon rukovanja isporukom
- recite vozačima kamiona da ostanu u vozilu
- koristite i tražite od drugih da koriste elektroničku papirologiju i pronađu alternativu za potpis

Više informacija

Za informacije o zdravlju i sigurnosti na radu posjetite [Safe Work Australia website](https://www.swa.gov.au)